

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzvei

Cawjbanh: Gvangjsih Minzcuz Bause

Geiz neix 8 banj

Aenhauh okbanj: CN45-0036

B.2024

Nd.7 Ng.3

Liggaeuq gyapsaenz nienz ndwenngux ngeihbet

Geizsoq: Gungh daih 3629 geiz

Siz Ginbingz Fak Saenq Cukhoh Diuzloh Hamj Dah Sinhcin Daengz Cunghsanh Hwnqbaenz Haidoeng

Diuzloh hamj dah Sinhcin daengz Cunghsanh 6 nyied 30 hauh hwnqbaenz haidoeng. Cunghgung Cunghyangh cungjsuhgi, Guekgya cujsiz, Cunghyangh Ginhveij cujsiz Siz Ginbingz fak saenq daej cukhoh, naeuz cukhoh haenqrem, caemhcai caensim camnai gyoengq boux caeuqfaenh gviveh hwnqguh.

Siz Ginbingz naeuz, diuzloh Sinh Cungh dwg aen gunghcwngz hungloet ndeu Yez Gangj Au Davanhgi hwnqbaenz, gunghcwngz dwg gaenlaeng Aen Giuz Hung Gangj Cuh Au hwnqbaenz, haekfug le haujlai aen nanzdaez dinfwngz seiqgyaiq gaep, cau le lai hangh seiqgyaiq geiqloeg.

Daengxcungq boux caeuqfaenh guhong gaenx guh, haenqheiq dingj guh. Guh ndei guh saed aen gunghcwngz, neix cungfaen gangjmingz, yiengh yendaiva Cungguek dwg guh okdaej, saehnieb hungmbwk cungj dwg caen guh cij baenz.

Siz Ginbingz daegbied gangj daengz, yamqlaeng, aeu guenj ndei yungh ndei diuzloh Sinh Cungh, baujmaenh yinhhengz ancienz, doengrad, soengsed, cungfaen fatok gij cozyung daiqdaez hai loh, coihawj Cuhgyanghgoj doeng sae song hamq doxyungz hwnqfat, daezswng gij suijsingz Yez Gangj Au Davanhgi giekdaj sezsih “doxdoeng geng”

caeuq gveihcwz gihci “doxdoeng unq”, doicaenh aen hawciengz caezcaemh Yez Gangj Au Davanhgi, engqndei bae fugsah baujcaeng Yez Gangj Au Davanhgi hwnqbaenz giz dingcengj canloz gwzgi hwnqfat moq, dieg guhyiengh hwnqfat ndei saed, dieg yinxlingx yiengh yendaiva Cungguek.

30 hauh banhaet, aen hozdung diuzloh Sinh Cungh haidoeng youq Sihiyngzgunghdauj banh. Cunghgung Cunghyangh Cwngcigiz veijyenz, Gvangjdungh Swngiveij suhgi Vangz Gunhmingz dangciengz doeg fung saenq cukhoh Siz Ginbingz caemhcai naeuz diuzloh Sinh Cungh

haidoeng.

Diuzloh Sinh Cungh dwg aen gunghcwngz gaemhanh youqgaenj Sinhcin daengz Cwnzhih guekgya gauhsuz goengloh hamj Cuhgyanghgoj, loh raez daih'iek 24 goengleix. Hanghmoeg 2017 nienz 2 nyied haihong hwnqguh, ginggvaq hwnq 7 bi haidoeng, dwg daengx seiqgyaiq aen nduj gunghcwngz hamj haij gyonjcomz miz “giuz, dauj, deihoeng, lajraemx doxdoeng”. Hanghmoeg doeng ci le, Sinhcin daengz Cunghsanh hai ci yaek daj gaxgonq 2 diemj cung noix daengz 30 faen cung.

(daj 《Sinhvazse》 aeu daej hoiz)



Sanhgyangh: Ndaem Raet Ndaej Miz Cienz Roengz Daeh

6 nyied 29 hauh, vnzmbanj youq Sanhgyangh Duncuz Swciyen Bazgyangh Cin Sanhdonz Cunh dieg ndaem raet ndaem, sou raet caeuq dak raet.

Geij bi neix daej, aen yienh neix gaenx guh hong ciu canghseng'eiq daej roengzgoek, ciu canghseng'eiq daej son dinfwngz daengj, haenqrengz yinx aen giyez lingxdaez ndaem raet daej, yungh aen vungsik “hozcozse + dieggoek + nungzhu”, ciuq dieg bae ndaem raet, daiqdoengh vnzlai dangdieg youq gyawj guh hong, doidoengh ndaem raet baenz aen cannieb hawj Mbanjdung lai baenzmiz.

(Gungh Bujganh ingj)

Nanzningz Si Bineix Yaek Yienj 554 Ciengz Heiq Hawj Bouxminz Yawj

6 nyied 28 hauh, 2024 nienz ciengz nduj Nanzningz Si aen gunghcwngz vwnzva leih bouxminz vih bouxminz guh saedsaeh hanghmoeg “soengq heiq roengz mbanj” youq Hinghningz Gih Sanhdangz Cin Veizcunh Cunh banh, aen dem aen cezmuuz ndeiawj hawj dangciengz bouxyawj bekfwngz angq hemq, daengx ciengz nauhyied raixcaix.

Baez yienj heiq neix youz

Nanzningz Si Yinzminz Cwngfuj cawjbanh, Nanzningz Si Vwnzva Gvangjden Caeuq Lijyouzgiz ciepbanh, hozdung senj le 12 aen cezmuuz ndeiawj bae yienj, miz go foux, heiq, roq gyong roq laz caeuq siujbinj daengj. “Soengq heiq roengz mbanj” hozdung mboujdan ndaehawj ndwenngoenz vnzlai lajmbanj hoengghwd, lij yungh cungj hingzsih neix daiqdoengh vwnzyi vnzlai

lajmbanj hwnqfat, hawj gyoengqvunz haenhndei.

Hozdung cungqgyang lij guh camdap ndaeh ciengj dem, daezmoeg miz couqmaenh gij eijsik caezcaemh Cunghvaz Minzcuz, sevei cuji hwsinh gyacizgvanh, Nanzningz seuqcengh, lajmbanj saenqhwnq, baujhoh lwgnyez caengz hung daengj fuengmienh, cungfaen fatok “soengq heiq roengz mbanj” senhconz goeng' yauq caeuq cozyung.

Bineix, Nanzningz Si yaek laebdaeb comz aen doih yienjheiq bae gak yanghcin, hagdangz, dieg gaicawx hoengh, segih, giyez, dieghong caeuq ginggih, guh 400 ciengz “soengq heiq roengz mbanj”, 129 ciengz “soengq heiq haeu hag” caeuq 25 ciengz “heiq ciuhgeq, heiq ndei haeu gauhyau” hozdung yienjheiq vwnzva leih bouxminz, hawj gyoengqvunz ndwenngoenz lai yinx.

(Moz Lanzyen)